



Komunikadu Imprensa Konjuntu

Uniaun Europeia no CARE International iha Timor-Leste fó apoiu ba família sira rekupera husi inundasaun

CARE International iha Timor-Leste (CARE) sei apoia Governu Timor-Leste atu fornese uma ba família sira ne'ebé afetadu husi inundasaun iha fulan Abril liubá iha Timor-Leste, liuhusi apoiu finanseiru €100,000 ba asisténsia téknika abrigo nian husi Uniaun Europeia.

Inundasaun iha fulan Abril sai maka'as liu iha tinan 50 nia laran. Surtu ho kazu sira Covid-19 nian no esforsu atu hapara propagasaun ne'e obriga ona ema vulnerável sira iha Dili, no iha Timor-Leste laran tomak, ba situasaun sira ne'ebé la seguru liu tanba sira koko atu buka servisu, mantein ijiéne no prátika distansiamentu nian. CARE suporta família sira ne'ebé hetan ona impaktu hosi inundasaun iha fulan Abril liubá liuhosi servisu hamutuk ho Governu Timor-Leste atu fornese apoiu abrigo tékniku ba pelumenus umakain 200 iha Dili.

Apoiu tékniku abrigo nian ne'e inklui hasa'e konxiénsia kona-ba oinsá harii uma ne'ebé seguru, garante inklusaun feto, labarik feto, no ema ho defisiénsia sira. Ida ne'e aseguza katak ema hotu-hotu ne'ebé prezisa uma mahon sei rona iha prosesu foti desizaun, no sei foka liu ba identifika no aumenta sira-nia partisipasaun iha prosesu foti desizaun umanitária ba futuru.

CARE sei uza revista Lafaek atu ba to'o uma kain 103.000 iha area rural no remota sira, no CARE nia Facebook atu atinji ema liu 137,000 iha area urbana sira. Iha total, CARE sei kobre ema rihun ba rihun ho informasaun kona-ba konstrusaun uma mahon.

Peter Goodfellow, Diretór Nasionál CARE Internásional, dehan: “Ami kompromete ona atu fó apoiu ba Sekretaria Estadu Protesaun Sivil hodi garante katak família vulnerável sira ne'ebé afetadu hosi inundasaun bele fila-fali ba uma ho seguru. Família barak mak sei iha risku ba bee sa'e iha futuru no rai-halai, no ami sente orgullu hodi servisu hamutuk ho Uniaun Europeia hodi hamenus vulnerabilidade família sira nian ba dezastre sira iha futuru liuhusi téknika konstrusaun ne'ebé di'ak liu ba reziliénsia uma sira nian. Feto no labarik sira iha probabilidade boot liu dala 14 duké mane sira ne'ebé mate iha situasaun emerjénsia no konsekuénsia sira iha rejiaun Ázia-Pasífiku. CARE nia fokus atu lori feto sira ba iha planeamentu umanitária mak hamenus ativamente lakuna ne'e.”

Embaixadór Uniaun Europeia ba Timor-Leste, Andrew Jacobs, rekoñese katak alterasaun klimátika sira sai grave liu tanba degradasaun ambientál, “aleinde hasoru risku naturál ne'ebé maka'as ne'ebé bele hamosu dezastre, mudansa klimátika no degradasaun ambientál sai mós hanesan kauza husi konflitu, inseguransa ai-han no dezlokamentu. Tanba ne'e, inisiativa di'ak ida hodi introdús atividade sira hanesan koñesimentu kona-ba bee sa'e no sensibilizasaun kona-ba risku ba membru comunidade sira iha munisípiu 13 liu husi CARE nia revista edukasaun Lafaek ne'ebé naruk hanesan dezeña ona iha programa ne'e”.

Atu hetan informasaun liu tan, favor kontatu:

Peter Goodfellow, Diretór Nasionál, CARE International iha Timor-Leste



Kona-ba programa Ajuda Humanitária husi Komisaun Europeia

Departamentu Apoiu Umanitária husi Komisaun Europeia (ECHO), liuhusi finansiamentu ba asaun ida ne'e, ninia objetivu mak atu harii fila-fali no harii hikas fali protesaun ba comunidade sira ne' ebé hasoru inundasaun ne 'ebé maka' as, rai-halai no rai-halai.

Kona-ba CARE International

CARE servisu iha mundu tomak atu salva moris, aleijadu no alkansa justisa sosiál. CARE tau feto no labarik feto sira iha sentru tanba ami hatene katak labele ultrapassa pobreza to'o ema hotu hetan direitu no oportunidade hanesan. CARE servisu ona iha Timor-Leste desde 1994. CARE nia servisu iha Timor-Leste foka ba resposta umanitária no projetu dezvoltimentu sustentável ba tempu naruk iha agrikultura no redusaun risku dezastre, edukasaun, saúde komunitáriu no nutrisaun, saúde reprodutiva no saúde inan nian, no feto sira-nia partisipasaun no igualdade jéneru.